



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

2 f Marcellinus vnd Peter märterer.

urn:nbn:de:hbz:466:1-41449

Junius

Anno Dñi
440.

mainungen sich hüten / auch nach gemeinem Glauben vnd haltung der Väter / leben vnd bestendig bleiben sollen. Ist zu Rom seliglich verschieden.

Item zu Pictavis des H. Abts Louini.

Item die erhebung der leiber S. Gifleni / vnd des H. Bischoffs vñ Betschters Sulpitij / auch der H. Junckfrawen Leochadie.

Item zu Rothornach die erhebung des Leibs S. Cypriani.

f. iij. Nonas Iunij.

Der II. Tag im Brachmonat.

Anno Dñi
288.

In Rom ist heut der Geburtstag der H. Marterer Marcellini des Priesters vnd Petri des Crocisten / auch Artemij / sampt seiner Hausfrawen Candide / vnd seiner Tochter Pauline. Als Artemius Petrum gefangen hiele / ward sein befehne Tochter Paulina von demselben Petro erlöset / dardurch Artemius sampt seinem Weib vnd Tochter glaubig / vñnd von Marcellino getaufft worden. Die alle ließ der Richter Serenus sehen / vñnd Arcemium mit dem Schwert tödten / Candidam vñnd Paulinam versteinigen / Marcellinum aber mit feusten schlagē / nackend in der gefencknuß peinigen / auff glas scherben werffen / on speiß da behalten. Petrum auch mit harten banden peinigen / vnd endelich sie bald / nemlich Marcellinum vñnd Petrum enthaupten / vnder dem vnchristlichen Kayser Diocletiano. Ire leiber seind von Lucilla begraben worden.

Item inn Campanien der Geburtstag des H. fürnemmen

nennen Bischoffs vnnnd Marterers Erasmi / von welchem am nechstuolgenden tag weiter.

Item des hailigen Beichtigers Dorothei. Als diser die obgemeldten hailigen Marterer Marcellinum vnnnd Petrum enthauptet / sahe er ihre Seelen herlich gezieret gen Himmel fahren / darumb er Büss gethan / den hailigen tauff empfangen / vnnnd im feid entschlaffen.

Item zu Leon der hailigen / Fotini Bischoffs daselbst (der neunzig jar alt war) Zacharie des Priesters / Sancti des Diacons / Pagati / Maturi / Attali / Albine vnnnd Grate / sampt andern vierzigigen / vnder welchen eiliche zur zeit Marci Aurelij vnd Antonini Veri / mit mancherley peinen getödt / deren Leiber wol angezindt / aber vnuerleht bliben / als da waren / Macarius / Alcibiades / Siluius Primus / Vlpus / Vitalis / Cominus / October / Philomenus / Geminus / Julia / Rogata / Emilia / Potamia / Pompeia / Rodona / Biblis / Quarta / Materna / Hesper (welliche auch Amnes genant ward) Alexander vnd Ponticus / ein jüngling von fünffzehnen jaren. Eiliche aber seind im gefencknuß gestorben / als nemlich Aristicus / Cornelius / Sozimus / Titus / Julius / Toticus / Apollonius / Geminianus / Julia / Ausonia / Emilia / Jannica / Pompeia / Domina / Justa / Trophina vnnnd Anthonia. Inn deren Gesellschaft ist auch gemartert worden die hailige Blandina / welche am ersten / andern vnd dritten tag / mit peinen vnd plagen angefochten / vñ doch im Glauben vnüberwindlich blieb / am vierten tag aber / ward sie mit Gaislen geschlagen / auff einem Ross gebrahten / vñ mit andern mehr gewiltlichen Peinen / wie das Gold im Feuer probiert / vnnnd endlich enthauptet. Vonn disen rechten Christi

Anno Dñi

164.

E v

Dienern

Junius

*Lib. 5. cap. 1.
2. 3.* Dienern vnd Dienerin/ wirdt auch in Ecclesiastica hi-
storia gelesen.

Item des H. Münchs Zacharie/ der ein jünger des
H. Abts Siluani war/ hat ein strenges leben in der wü-
sten geführt/ sein Mantel mit füßen getreten/ vnd dar-
bey gesagt/ es könne keiner kein Münch oder recht Geis-
lich werden / es sey dann daß er alle ding mit dem Her-
zen also vnder sich trette: war etwann im Geist enkuckte
vonn morgen an bis auff die zehend stund / vnnnd sahe die
heerlichkeit Gottes.

Lik: Dialog Item des H. Münchs Martyrij/ von welchem S.
Gregorius schreibt.

g iij. Nonas Iunij.

Der III. tag im Brachmonat.

In Campania zu Formien ist heut der Geburts-
tag des hayligen vnd grossen Antiochischen Bis-
choffs vnnnd Marterers Erasmi. Diser flohe
erstlich die Diocletianisch verfolgung / vnnnd hielt sich
inn der Wüsten bey dem Berg Libano / siben jar / ward
vonn einem Rappen wunderbarlich gespeist / auch
nach siben jaren vonn Gott ermahnet / wider gen An-
tiochia zuziehen/ daselbs er vil volcks zu Christo beköht/
ward darumb gefangen / erstlich mit bleykolben / vnnnd
darnach mit stecken vnnnd hacken geschlagen vnnnd geris-
sen / auch mit zerlahnem Dnschlit / Schwefel / Bech /
Bley/ Wachs vnnnd Del durchgossen: blib aber vnuer-
letzt / ward wider inns Gefencknuß geleget / aber vonn ei-
nem Engel inn Italiam gefüret: erwecket den verstor-
benen